



ბიულეტენი

აფხაზეთის სულიერებისა და კულტურის ცენტრის
ყოველთვიური საინფორმაციო ორგანო

№8 (38) აგვისტო 2010 წელი



წმ. იოანე მანთონაო (ჩხატასაძე)

ღვთით დაკისრებული მისია



ბიულეტენი გამოდის ცხუმ-აფხაზეთის მიტროპოლიტ დანიელის (დათუაშვილის) ლოცვა-კურთხევით 2007 წლის ივლისიდან

ყმაღლისი ჭიფჭო

2010 წლის 19 აგვისტოს, ფერისცვალების დღესასწაულზე, მისმა უწმიდესობამ სრულიად საქართველოს კათოლიკოს-პატრიარქმა ილია II წირვის შემდეგ დააჯილდოვა ცხუმ-აფხაზეთის მიტროპოლიტი დანიელი სეუფიასე¹ ბრილიანტის ჯვრის ტარების უფლებით. ეს არის მღვდელთმთავრის უმაღლესი ჯილდო.

აფხაზეთის სულიერებისა და კულტურის ცენტრი ულოცავს მეუფე დანიელს ამ უმაღლეს ჯილდოს და უსურვებს ჯანმრთელობას და სანგრძლივ მოღვაწეობას ცხუმ-აფხაზეთის მრევლისა და მთელი მართლმადიდებელი საქართველოს საკეთილდღეოდ.

ღვთობა და კრისტოლოგიური მისია

2010 წლის 15 სექტემბერს სვეტიცხოვლის ტაძარში მღვდელმსახურება აღასრულა ცხუმ-აფხაზეთის მიტროპოლიტმა დანიელმა (დათუაშვილმა). წირვას ესწრებოდნენ აფხაზეთის ავტონომიური რესპუბლიკის მთავრობისა და უმაღლესი საბჭოს წარმომადგენლები, აფხაზეთიდან დევნილი მოსახლეობა. გთავაზობთ მეუფე დანიელის ქადაგებას:

სახელითა მამისათა და ძისათა და სულისა წმიდისათა, ჩვენთან არს ღმერთი!

ქრისტესმიერ საყვარელნო მამანო, დედანო, ძმანო და დანო!

ჩვენ ყველანი ვემზადებით უდიდესი დღესასწაულის — ამ დიდებული გაძრის ამენებიდან 1000 წლისთავის შესახვედრად, რომელსაც საქართველო და საქართველოსთან ერთად ჭეშმარიტი მართლმადიდებელი ეკლესია იმეიშებს 14 ოქტომბერს. 1000 წელი სრულდება ამ გაძრის ამენებიდან. რას ნიშნავს სვეტიცხოველი? სვეტიცხოველი ეს არის გაძარი, რომელიც არის ხელთუქმნელი, რომელიც ღვთით, ღვთის მიერ არის შექმნილი და არა აღამიანის ხელით. პირველ საუკუნეში ღვთის განგებით საქართველოში მცხოვრებმა ებრაელებმა, რომელთაც ირწმუნეს ჭეშმარიტი ღმერთი და გახდნენ პირველი ქრისტიანები, მცხეთაში ჩამოაბრძანეს უდიდესი სიწმინდე, კვართი, ანუ პერანგი უფლისა ჩვენისა იესო ქრისტესი. პირველ საუკუნეში ჩამობრძანებული კვართის

დაფლების ადგილზე, სწორედ აქ, აი ამ მიწაზე, წმ. ნინოს ქადაგების შედეგად მოქცეულმა საქართველომ, საქართველოს მეფემ და ქართველმა ხალხმა გადაწყვიტეს, აშენებულებო ეს გაძარი. ეს იმას ნიშნავდა და ნიშნავს, რომ ეს გაძარი არის ნიშანი საქართველოში უფლის კვართის დაფლებისა, საქართველოში ამ უდიდესი წყალობის მობრძანებისა. ეს არის მცველი ამ სიწმინდისა და ამიგომაც თვითონ გაძარიც არის ხელთუქმნელი. როდესაც მე-4 საუკუნეში დაიწყო პირველი ხის გაძრის მშენებლობა, კვართის გემოთ ამოსული ხისგან ვაითაღა ძელი, მაგრამ სვეტი მიწას ვერ მოსწყვიტეს, ვერ მოაცილეს, ვერ აღმართეს. წმ. ნინოს ლოცვის შედეგად სვეტი, ანგელოზების მიერ აღმართული, მოსცილდა და მიწას და ყველამ დაინახა, როგორ გაბრწყინდა შუალამისას სვეტი და შეიმოსა ბრწყინვალეობით და სინათლით და ხალხმა შესძახა: „სვეტი ცხოველი“ ანუ, სვეტი ცოცხალი. დიახ, ეს იყო ცოცხალი, გაცოცხლებული ღვთის



მადლით, ღვთაებრივი სინათლით გაბრწყინებული ძელი და ეს ძელი დაეშვა, შეეზარდა მიწას და აშენდა პირველი გაძარი. ეს არის ხელთუქმნელი გაძარი. შემდგომ აი ამ ძველი გაძრის ადგილას წმ. კათოლიკოს-პატრიარქმა მელქისედეკმა აღაშენა ეს დიდებული გაძარი და ეს არის უდიდესი წყალობა ჩვენი ერისა, ეს არის ნიშანი იმისა, რომ საქართველოზე არის ვარლამოსული ღვთის დიდი ძალა და მადლი. მეორე დიდი ნიშანი ღვთის წყალობისა გახლავთ ის, რომ საქართველოს ღმერთმა მფარველად და პატრონად დაუდგინა თავისი დედა — ყოვლადწმიდა ღვთისმშობელი (გაგრძელება მე-4 გვ.)

1 სპუშია - წვეტიანი, რბილი ქუდი, რომელსაც ატარებენ მართლმადიდებელი ეკლესიის მსახურნი; ეძლევა მღვდლებს ჯილდოს სახით.

(დასაწყისი მე-3 გვ.)

და ეს კიდევ ერთხელ ნიშნავს იმას, რომ ღმერთს აქვს სურვილი, რომ დაიკვას ეს ქვეყანა, აქვს სურვილი, რომ გადაარჩინოს ეს ქვეყანა. რაგომ, ვანა ვინმეს დაევის და გადაარჩინოს სურვილი არა აქვს ღმერთს? მაგრამ ვისაც ღმერთი აძლევს დიდ დავალებას, ვისაც ღმერთი აძლევს დიდ მისიას, მას სჭირდება უფრო მეტი ძალა. რა იყო ეს მისია, რა მისია დააკისრა ღმერთმა იმისთვის, რომ ასეთი დიდი ძალებით აღჭურვა ქართველი ერი? ეს იყო მისია სარწმუნოების ერთგული დაევისა. სარწმუნოების ერთგული დაევა ნიშნავს სარწმუნოებისათვის თავგანწირულ ცხოვრებას. ცხოვრებას, როდესაც ადამიანი აღასრულებს ყველა მცნებას, მცნებას, რომელიც გვეუბნება: რომელმან არა მოიძულოს ვინა მამა, ვინა დედა, ვინა ცოლი, ვინა შვილი, ვინა ძმა, ვინა და, ვინა აგარაკი და ბოლოს თავისი სიცოცხლეც ჩემი სახელისათვის, იგი არა არს ჩემდა ღირს, – ამბობს უფალი. რას ნიშნავს მოიძულო? ვანა შეიძლება ვინმე მოიძულო და, მით უმეტეს, შენი ოჯახის წევრები. აქ ლაპარაკია იმაზე, რომ, როდესაც დასჭირდება ღმერთს, როდესაც დასჭირდება ჭეშმარიტებას, შენ უნდა დააყენო პირველ ადგილზე ჭეშმარიტება და შემდეგ ყველაფერი სხვა. და ამიგომ შენ უნდა უფალი შეიყვარო უპირველეს ყოვლისა და შეგედლოს უფლის გულისთვის გაწირო ყველაფერი, გაწირო შენი სიცოცხლეც, და აი სწორედ ამას სთხოვდა და დღემდე თხოვს ამას უფალი საქართველოს. ამიგომაც იყო, რომ მთელი ჩვენი ისტორია იყო უამრავი განსაცდელის დათმენა, უამრავი ბრძოლის და ომის ვადაგანა, სულ ომის ქარ-ცეცხლში იყო საქართველო. და იგყვის ვინმე: მაშ, როგორდა უყვარს უფალს საქართველო, თუ ასეთ განჯვაში იყო. ღიახაც, სწორედ ეს განჯვა ღვთის გულისათვის, მამულისათვის, მოყ-

ვასისათვის ადამიანს ამზადებს მარადიული ნეგარი ცხოვრებისათვის. ხოლო განჯვის ვარეშე ამქვეყნიური ტკობა, ამქვეყნიური განსვენება ადამიანს სულიერად აღარბობებს და აცივებს. და ეს დიდი მისია, რომ ყოფილიყო მოწამე ერი. საქართველომ შეასრულა და ასრულებს დღესაც. დღეს ყველა ჩვენგანის მავივრად მოწამეობას აღასრულებს საქართველოს კათოლიკოს-პატრიარქი ილია II. იგი არის ხილული მოწამე საქართველოსთვის. იგი თავის მხრებზე აგარებს ჩვენს უმძიმეს ცოდვებს, ცოდვებს, რომლებსაც შეუძლია უფსკრულში და ჯოჯოხეთში დანთქას საქართველო, მაგრამ ეს არ ხდება, იმიგომ რომ ჩვენ გვყავს ასეთი მოწამე, ასეთი შეწირული უფლისათვის პიროვნება, რომელიც ავედრებს ღმერთს საქართველოს და ევედრება, რომ ღმერთმა საქართველო დაიფაროს და არ დასაჯოს თავისი ცოდვებისათვის. ამიგომ ქრისტესმიერ საყვარელნო ძმანო და დანო, დავდგეთ ჩვენი პაგრიარქის გვერდით, და შევეუმსუბუქოთ მას ეს ჯვარი. ხომ ვხედავთ, რომ არ შეიძლება ასეთი მძიმე ჯვრის გარება ერთი ადამიანისთვის. იგი ჩვენ არ დაგვაშაღლის ამ ჯვრის გარებას არასოდეს, იგი მოყვარული მამაა, მზრუნველი მამაა, მაგრამ ჩვენც ხომ უნდა დავებრუნდეთ დედაეკლესიის წიაღს, ჩვენც ხომ უნდა ვაგაროთ ის მძიმე ჯვარი, ჩვენც ხომ უნდა მოვიხანით ცოდვები, მარგო პაგრიარქმა ხომ არ უნდა ილოცოს ჩვენი ცოდვების მოგვეებისათვის და მარგო მან ხომ არ უნდა მიღოს ეს სიმძიმე. ყველამ უნდა ვზიდოთ და აი ამისთვის მოგვიწოდებს ჩვენ დღეს უფალი, ამისთვის მოგვიწოდებს ღვთისმშობელი. ვავერთიანდეთ ყველანი ღვთის გაძარში, რაც ნიშნავს ჯვრისმგვირთველობას, რაც ნიშნავს უფლის მცნებების შესრულებას, რაც არ არის ადვილი, მაგრამ სამაგიეროდ ამ სიმძიმეს მოყვება დიდი სიგებობა,

ისევე, როგორც იმ სიგებობას, რომელიც უფლისგან არ არის, ცოდვისმიერია, მოყვება დიდი სიმწარე. უფალი ბრძანებს: „აღიღეთ უღელი ჩემი თქვენზე და დაჰპოვოთ განსვენება სულთა თქვენთა, რამეთუ უღელი ჩემი ტკობილ არს და გვირთი ჩემი სუბუქ არს“ აი ეს უღელი უნდა აიღოს საქართველომ. როგორც წარსულში ჩვენ მოწამეობრივად ვიცხოვრეთ და ვადავრჩით და მოვედით დღემდე, დღესაც სწორედ ასეთი თავდადებული ცხოვრება სჭირდება საქართველოს. მხოლოდ მაშინ ვამთლიანდება და გაბრწყინდება ივერია.

გუშინ მისი უწმიდესობის ლოცვა-კურთხევით მთელ საქართველოს ეუწყა კიდევ ერთი დიდი საქვეყნო საქმე – იწყება ყოვლადწმიდა ღვთისმშობლის ხაგის, ივერიისად წოდებულის, გაძრისა და მონასტრის მშენებლობა მახათას მთაზე. ეს არის ელიას მთის გვერდით, სადაც სამების გაძარია. ეს იქნება მთელი ქართველი ერის ვამთლიანება ყოვლადწმიდა ღვთისმშობლის თავყანისცემაში, მის სიყვარულში, რომ ყველამ ერთად უნდა ავაშენოთ ეს გაძარი, ყველამ ერთად და არის მოწოდება, რომ ყველა ვავერთიანდეთ ლოცვით, ფიზიკურად შრომით, თანხით, შეწირულობით, ვისაც რა შეუძლია. ყველა უნდა ვავერთიანდეთ და როგორც პაგრიარქმა ბრძანა, ეს იქნება ქართველი ერის მეორე ავტოპორტრეტი. რომელია პირველი? ეს არის ყოვლადწმიდა სამება. ღიახ, სამებას უწოდა პაგრიარქმა ქართველი ერის ავტოპორტრეტი. ამით მან უთხრა ქართველ ერს, ნუ გეშინია საქართველოვ, შენში არის მაღლი, შენ შეგიძლია ისევ ვამთლიანდე და გაბრწყინდე, იმიგომ რომ შენ ააშენე სამების გაძარი. სინამდვილეში ეს არის ჩვენი პაგრიარქის პორტრეტი. მისი ლოცვით აშენდა სამება, მისი თავგანწირ-

(გავრძელება მე-5 გვ.)

(დასაწყისი მე-4 გვ.)

ვით ამენდა სამება და დღეს ჩვენ უნდა შევეუმსუბუქოთ ეს გვირთი პაგრიარეს და ყველა უნდა გავერთიანდეთ ლოცვით. ჩვენი ლოცვა არ იქნება ნაყოფის მქონე, თუ იგი არ იქნება უანგარო, არ იქნება წმინდა. ამას სჭირდება ხშირად მიაღება, ხშირად მონანიება, ხშირად საკუთარი თავის განკითხვა და არა მოყვასისა. აი, სწორედ ეს არის, რაც აგვაშენებინებს ღვთისმშობლის გაძარს და ეს არის, რაც დაგვაბრუნებს აფხაზეთში, სამაჩაბლოში, გაო-კლარჯეთში, ჰერეთში და ჩვენ ვიხილავთ გამთლიანებულ ნიკოფსიდან დარუბანდამდე საქართველოს და ვიხილავთ გამრავლებულ, როგორც ჩვენი პაგრიარქი იგყვის, 15-მილიონიან საქართველოს. ვიხილავთ, უკეთუ ჩვენ ვიქნებით ჭეშმარიტი მართლმადიდებელი ქრისტიანები და მე მწამს, რომ ჩვენ შევისმენთ უფლის კურთხევას, ღვთისმშობლის კურთხევას და ჩვენი საყვარელი პაგრიარქის ლოცვა-კურთხევას და ჩვენ ვიქნებით წმინდა ერი, როგორც ეს იყო წარსულში. ჩვენ შეგვიძლია ეს, ჩვენში არის ამის ძალა. ჯერ კიდევ ცოცხალია ქართველ ადამიანში რწმენა და სიყვარული, მაგრამ მას სჭირდება გაძლიერება, განკურნება სჭირდება, გაჯანსაღება სჭირდება, სრულყოფა სჭირდება. აი ამისთვის ვართ ჩვენ მოწოდებულნი და ჩვენ აუცილებლად დავბრუნდებით აფხაზეთში და დავბრუნდებით არა ომით, არა სიძულვილით, არა შურისძიებით, არამედ შერიგებით, სიყვარულით დავბრუნდებით. ჩვენ უნდა ვილოცოთ ჩვენი აფხაზი და ოსი ძმებისთვის იმიგომ, რომ ჩვენ მეტი მოგვეცა, ჩვენ მეტი მოგვეთხოვება. თუ რამე ცუდი მოხდა საქართველოში, მეგად ჩვენ ვართ დამნაშავე, როგორი დიდი დანაშაულიც არ უნდა ჰქონდეს სხვებს, ჩვენ ყველაზე მეტი მოგვეცა. ჩვენ არ გვეპატიება ურწმუნობა, ჩვენ არ გვეპატიება მე-20

საუკუნეში სამინელი ღვთისმშობლები ცოდვები – გაძრებისა და ეკლესია-მონასტრების ნგრევა, სასულიერო პირთა შეურაცხყოფა და ფიზიკური განადგურება. სარწმუნოების აბუხად ავლება არ ეპატიება საქართველოს, თუ მან არ მონანიება. და დღეს პაგრიარქი ინანიებს ჩვენს მავივრად და ყველამ უნდა მოვინანიოთ. სანამ ამ მიმღე გვირთს არ გადავაგორებთ ჩვენი მხრებიდან, ამ ცოდვების ლოდებს, მანამდე ძნელი იქნება საქართველოს გამთლიანება. და ეს უნდა შეიგნოს ქართველმა ერმა და დაუბრუნდეს დედაეკლესიას, დაუბრუნდეს იმ წმინდა გზას, რომლითაც ჩვენი წინაპრები მოდიოდნენ და რომელსაც ეწირებოდნენ. გვახსოვდეს, რას ნიშნავს ქართველობა. როგორც წმიდა ილია მართალი (ჭავჭავაძე) იგყოდა, „ქრისტე ჯვარს ეცვა ჩვენთვის და ჩვენ ჯვარს ვეცვით ქრისტესთვის.“ აი ეს არის საქართველოს ფორმულა: ჯვარცმული ერი ქრისტესთვის.

ქრისტესმიერ საყვარელნი ძმანო და დანო, განსაკუთრებით მოგმართვათ მათ, ვინც დღეს გაძარში მობრძანდით. თქვენ იცით, რომ ყოველი დღე მაისიდან მოყოლებული სრულდება სამღვდელმთავრო წირვები. ყოველი მღვდელმთავრის წირვას ესწრება ამ მღვდელმთავრის ეპარქიის სამღვდლოება და მრევლი სხვა ეპარქიის სამღვდლოებასა და მრევლთან ერთად და აი დღეს ცხუმ-აფხაზეთის სამღვდლოება და მრევლია შეკრებილი და ასევე, რასაკვირველია, მცხეთა-თბილისის სამღვდლოება და მრევლიცაა და მე მინდა ვითხრათ, ვინც მობრძანდით აქ, უპირველეს ყოვლისა, სამღვდლოება, მინდა მაღლობა ვუთხრა მათ. ეს არის, შეიძლება ითქვას, თავდადებული სამღვდლოება, რომელიც მიუხედავად უდიდესი თავისი ვალდებულებისა მცხე-

თა-თბილისის ეპარქიის წინაშე, ყველაფერს აკეთებს, რომ ჩვენი დევნილი მოსახლეობა დაუბრუნდეს დედაეკლესიის წიაღს, იყოს სულიერად მდიდარი და ძლიერი. აქ არის სამღვდლოების ის ნაწილი, რომელიც ამ საქმეს ემსახურება უკვე რამდენიმე წელია მოგზაურობს ბიჭვინთის ღვთისმშობლის ხატთან ერთად დევნილთა დასახლებაში და ცდილობს, რომ თქვენ ყველანი იყოთ უფალთან და მე მინდა მათ მაღლობა ვუთხრა. მე მინდა ასევე დაგლოცოთ მრევლი, თქვენი სახით მთელი მრევლი ცხუმ-აფხაზეთის ეპარქიის და მერე სრულიად საქართველოსი, მაგრამ მინდა ვთქვა, რომ ვინც დღეს აქ მოხვედით, თქვენ ღმერთმა მოგიყვანათ, თქვენ მოგიყვანათ იმისთვის, რომ მიგელოთ ეს დიდი მაღლი და ძალა. თქვენ ღმერთმა გამოგარჩიათ, ღმერთმა ძალა მოგცათ აქ მოსვლისა. ამიგომ ვილოცავთ ამ წყალობას, დიდ კურთხევას. თქვენ დიდი კურთხევა მიიღეთ ყველამ, ვინც აქ მობრძანდით და ეს არის მიზეზი იმისა, რომ თქვენში არის სწრაფვა ღვთისაკენ და მინდა, რომ ვაგაძლიეროთ ღმერთმა ამ სწრაფვაში და ყველა ლოცვა, რომელიც თქვენ აღავლინეთ თქვენი ოჯახებისთვის, საქართველოსთვის, ღმერთმა შეისმინოს და ღმერთმა კეთილად აღგვისრულოს და კეთილად გამოილოს ნაყოფი ჩვენმა ლოცვებმა. კიდევ ერთხელ ყველას დიდი სიყვარულით ვილოცავთ დღევანდელ დღეს და გლოცავთ. დღეს ჩვენ ყველანი იმ დიდ სიწმინდეში ვართ გახვეული, რასაც ჰქვია უფლის კვართი და ეს არის ის, რაც ვადაგვარჩენს ჩვენ.

მხნედ იყავით, და განძლიერდით და ესევიდით უფალსა. კურთხევა უფლისა თქვენზედა მისითა მაღლითა და კაცთმოყვარებითა ყოვლადავ აწ და მარადის და უკუნითი უკუნისამდე, ამინ!

ღირსეული მამულიშვილი



თხემით ტერფამდე აფხაზო, თხემით ტერფამდე ქართველო, ნებელდის მრავალსაუკუნოვან მარშანთა თავადიშვილო, მეცნიერების და კაცობის აკადემიკოსო, ბატონო ლორიკ, უეცარმა ტრაგიკულმა სიკვდილმა წაგართვათ სიცოცხლე, მაგრამ ვერ წაგართვათ უკვდავება, რომელიც სიცოცხლეშივე დაიმკვიდრეთ. თქვენზე, როგორც სახელმწიფო მოღვაწეზე და ცნობილ მეცნიერზე, ქვეყნის ბედით შეჭირვებულ კაცზე, ვაჟკაცობის ეტალონზე, ბევრი ითქმება და დაიწერება, მაგრამ დღეს, გლოვის წუთებში, მხოლოდ თქვენს დიდ აფხაზობაზე მინდა საჯაროდ განვაცხადო.

დროდადრო საქართველოში იბადებიან დიდი მამულიშვილები, რომლებიც ისტორიას შემორჩებიან, როგორც ქართულ-აფხაზური ერთიანი ისტორიული მომავლის მშენებლები. თქვენ ამ კოჰორტის გამორჩეული პიროვნება ბრძანდებოდით.

გარეშე ძალების, იმპერიულ ექსპანსიასა და ცრუპატრიოტ პოლიტიკოსთა ამბიციებს შეწირული ქართველთა და აფხაზთა გაუცხოების გამო ბევრი რამ გადაფასდა და ბევრმა ღირებულებამ ფასი დაკარგა. თურაშაულის პატრონები პანტას ვეძებდით ტყეში. უსამართლობის მძიმე განცდის მიუხედავად, თქვენ სიცოცხლის ბოლო წუთამდე შეუპოვრად და თავგანწირულად იცავდით ჭეშმარიტ აფხაზთა ისტორიულ ეროვნულ ღირებულებებს, ქართველთა და აფხაზთა ძუძუმტეობის ფენომენს. ვიდრე სხვები რევანშზე ოცნებობდნენ, თქვენ მშვიდობის

მშენებელ თანამოაზრეებს კრებდით და აერთიანებდით ენგურს გაღმა-გამოღმა.

თქვენი სტრიქონების ერთ-ერთი პირველი მკითხველი მე გახლდით და ზოგიერთი ამონარიდის ხმამაღლა თქმის უფლებას მივცემ ჩემს თავს. თქვენ ბრძანებდით: „ვაპატიოთ ეს ომი ერთმანეთს, რათა არ განმეორდეს“, „აფხაზთა და ქართველთა მეგობრობას, სამწუხაროდ, ორივე მხრიდან ბევრი მტერი ჰყავს, მაგრამ ჩვენ შეგვიძლია ვიპოვოთ გზა ერთმანეთის გულებისაკენ“, „ჩვენ გვჯერა, რომ წარსულის შეცდომების შეგნება არ უნდა ჰყოფდეს, არამედ აერთიანებდეს ჩვენს ხალხებს“, „მე აფხაზი ვარ და ამაყად ვამბობ, რომ ჩემი საქართველო აფხაზეთიდან იწყება“, „გვეყოფა, ჩვენ უნდა დავინყოთ ურთიერთობა სუფთა ფურცლიდან. დავანებოთ თავი იმას, თუ ვისი ბრალია, ვინ როგორ და რანაირად მოიქცა, დავსხდეთ ქართველები და აფხაზები და ვისაუბროთ, ჩვენ შუამავალი არ გვჭირდება. ახლა არის ფსიქოლოგიურად შეცვლილი მდგომარეობა... ხალხი მზად არის იმისათვის, რომ ერთმანეთს შეხვდეს“...

ძვირფასო ბატონო ლორიკ, რამდენი რამის გაკეთება ვერ მოასწარი. თქვენი პრაგმატიზმი, თქვენი ნიჭი და გენი ქართველთა და აფხაზთა დიდ შერიგებას, სამწუხაროდ, ბოლომდე ვერ მოემსახურა.

მჯერა, რომ უთუოდ მალე გაივლის ეს ტკივილიანი ჟამი, მაინც გათენდება გრძელი ღამე... და ჩვენს სამკვიდროში იმ ნანატრ დიდ სუფრას ენგურიდან ფსოუმდე გავშლით და თქვენი სული ამ დიდებულ ღზინს ზეციური საქართველოდან უთუოდ საპატიო თამადად მოვევლინება. მოძმე აფხაზი ხალხი ეთნოისტორიულ სივრცეს არ დაკარგავს და უბიხების ბედს არ გაიზიარებს. თქვენ კი მადლიერი შთამომავლობა ძეგლს დაგიდგამთ, ქუჩებს და მოედნებს თქვენს სახელს მიაკუთვნებს.

ბატონო ლორიკ, თქვენ ქართულ-აფხაზური სახალხო დიპლომატიის მამამთავრად შეგრაცხავენ, თქვენი სახელობის პრემიები დაარსდება თბილისსა და სოხუმში, თქვენს სახელს დაარქმევენ ახალშობილებს.

გამიჭირდება უთქვენოდ, ბატონო ლორიკ! ორმოცი წლის მანძილზე მე ბევრი რამ ვისწავლე თქვენგან.

უფალს შევთხოვ, მოგიტევეთ ყო-

ველივე შეცოდებანი და დაამკვიდროს თქვენი სული, სადაც მართალნი განისვენებენ.

სამშობლოს დიდო ჭირისუფალო, დაგვლოცეთ თქვენი ტრადიციული სადღეგრძელოთი და ლამაზი ხმით: „სადღეგრძელებელს, უდღეგრძელებელს და მადღეგრძელებელს გაუმარჯოს“...

მე კი თქვენით ყოველთვის ვიამაყებ.

ზურაბ ერქვანი,
აფხაზეთის ექსპრემიერ-მინისტრი,
გენერალ-მაიორი
თბილისი, 13 აგვისტო,
2010 წელი.

ძნელია გამოთხოვება ადამიანთან, რომლის მოღვაწეობა აფხაზი ხალხის საკეთილდღეოდ მისი ცხოვრების, მისი არსებობის არსსა და მიზანს წარმოადგენდა. ასე იყო მუდამ – მშვიდობიან დღეებში, დიდი ხნით ადრე, სანამ ომის მრისხანე დღეები რეალობად იქცეოდა, მაშინაც, როცა ომის ქარ-ცეცხლში გახვეულ სოხუმში ადამიანებს ეხმარებოდა, და არამარტო აფხაზებს. ასე იყო დევნილობაში, როცა იგი ნებისმიერ საშუალებას იყენებდა, რათა სიმართლე ეთქვა თავისი ხალხის, მისი საქართველოს ტრაგედიის შესახებ, რომელიც „ფრთამოტეხილ ფრინველად“ იქცა.

ლორიკ მარშანია იყო მებრძოლი, მაგრამ მიუხედავად მისი პირდაპირობისა, შეურიგებლობისა ყოველივე მდაბალის, უსახურის და განუკითხაობის მიმართ, იყო ადამიანი, რომელსაც გულწრფელად და ნაზად უყვარდა ოჯახი, მეგობრები, თანამოაზრეები, საერთოდ, ადამიანი, მოყვარული იყო ხელოვნებისა, ხალხური მუსიკისა და ყოველივესი, რაც მისი სულიერი სამყაროსათვის ძვირფასი იყო.

დღეს იგი ცოცხალთა შორის აღარაა. ჩვენ, შესაძლოა, ჯერ ვერც ვაცნობიერებთ ამ დანაკარგის მთელ სისრულესა და სიმძიმეს და ამასთან, ჩვენ, ცოცხლებმა, არ უნდა დავხაროთ ის ალამი, რომელიც მას ხელთ ეპყრა.

სვეტლანა ქეცვა,
აფხაზეთის სულიერებისა და
კულტურის ცენტრის
თავმჯდომარე
ხელოვნების დამსახურებული
მოღვაწე

ტრადიციონალიზმი

2010 წლის ივლისის ბოლოს ცხუმ-აფხაზეთის ეპარქიისა და აფხაზეთის სულიერებისა და კულტურის ცენტრის ეგიდით ტაბახმელაში მოენწყო დევნილ პედაგოგთა გადამზადების ერთთვიანი კურსების მეხუთე ეტაპი. პროგრამა ითვალისწინებდა ლექცია-სემინარების ციკლს, ეკლე-



სია-მონასტრების მოლოცვას, ცნობილ ადამიანებთან შეხვედრას. ამჯერად პედაგოგებთან სტუმრად იყვნენ ცნობილი ქართველი საოპერო მომღერალი, საქართველოს სახალხო არტისტი ელდარ გენაძე, თბი-



ლისის ვანო სარაჯიშვილის სახელობის სახელმწიფო კონსერვატორიის პროფესორი, პიანისტი დარეჯან მახაშვილი, თბილისის ვანო სარაჯიშვილის სახელობის სახელმწიფო კონსერვატორიის სტუდენტი, პიანისტი და მომღერალი სალომე ჯიქია, კინოცენტრმა „აფხაზეთმა“ აჩვენა გელა კანდელაკის დოკუმენტური დილოგიის „ხმელეთის 0,047%“ პირველი ფილმი „სოფელი“.



ჩვენს შჩებნი

ამ ცოტა ხნის წინ აფხაზეთის სულიერებისა და კულტურის ცენტრში მოენწყო შეხვედრა დევნილ ახალგაზრდა შემოქმედებთან. მოზარდებმა წარმოადგინეს ნახატები, ნაქარგობები, ნაიკითხეს საკუთარი ლექსები და მოთხრობები.

გთავაზობთ 137-ე საჯარო სკოლის XI კლასის მოსწავლის, გაგრელი ანა ბებეჭაშორის ნოველას

ზღვა ჩუნთვის ღელავს...

თენდება. მზის სხივები ანათებს ღამის სიბნელეს. მიზიდან წამოსული ერთი სხივი იქვე, კლდის პირას, პატარა, უსუსურ იას ეცემა და აღვიძებს. მერე სხივი ეცემა ხეებს, მინდვრებს, წყლებს... და ასე, თითოეული სხივი აღვიძებს ბუნებას. დილა ყოველთვის სიცოცხლით აღსავსეა, ყოველ დღეს კი იმედი მოაქვს. დღევანდელი დღე უფრო მშვიდობიანია, ვიდრე გუშინდელი, მაგრამ ხვალ კიდევ უფრო ღამაზი და ნათელი იქნება. საუბრობენ მზე და ბუნება დიდი სიშორიდან:

- გამარჯობა, მზეო!
- გაგიმარჯოს, ბუნებაე!

... საღამო ახალ და ნათელ დღეს! მშვიდობის დღეს! იმედის დღეს! საოცარი რამაა დილით მზის ამოსვლის შეხვედრა და იცი, რატომ? იმიტომ, რომ შენთვის ეს დილა გათენდა, შენ ამ დღეს იცხოვრებ, შენ კიდევ შეგეძლება მოეფერო და მოესიყვარულო ჩვენს სამშობლოს, ჩვენს საქართველოს, ჩვენს მრავალტანჯულ ქვეყანას.

ოდითგანვე გვიტევენ და გვებრძოდნენ. ჩვენც არ ვნებდებოდით, ღირსებას ვიცავდით!.. ერთი ტკივილი უკვე 17 წელია ცრემლად, მოგონე-

ბად, აუხდენელ ოცნებად, მონასტრებად გვექცა – ეს აფხაზეთია... იცით? მე მესმის მისი ზღვის ტალღების ხმა – ის ზღვა ჩვენთვის ღელავს!... მისი ცა, ჰაერი, მიწა, ქუჩები, ტაძრები, ბუნება – დავკარგეთ... დავკარგვეთ! ყველაფერს შორიდან ხელს ვხვებით და ვეფერებით... ორ მოძმე ერს, აფხაზებს და ქართველებს, ერთმანეთში შუღლი ჩამოგვიგდეს და ჩვენც ბრმად ერთმანეთს სულში ჩავაფურთხეთ, ვიღაცის დაწერილ „სცენარში“ კარგად ვითამამეთ, უშეცდომოდ! ერთმანეთი არ დავინდეთ!...კიოდა აფხაზეთი! კიოდა სოხუმი, გუდაუთა, გაგრა, გალი, ოჩამჩირე! ყვიროდა ქართველი და აფხაზი, ოღონდ არა ერთად... ცალ-ცალკე! სისხლიანი იყო აფხაზეთის ქუჩები, ტყვიები ცვიოდა, სიკვდილი ბოზოქრობდა. უსამართლობა ამყავდ დადიოდა ქუჩაში და უხაროდა! იძახდა: „შეხედეთ, რა დაემართათ ამათო!“ – და მერე გულიანად ხარხარებდა. ის დიდი ქვეყანა კი მხიარულობდა... ქართველებმა და აფხაზებმა წავაგეთ ომი... 17 წელი დევნილობაში, ტკივილში, ცრემლში!... სისხლი, გვამები, ტყვიები!.. შვილები, მამები, ცოლები, ქმრები, ახლობლები

და... და დედები, შვილმკვდარი დედები! შავით შემოსილი დედები! რატომ გვიქცით, დიდი ქვეყნის შვილებო, ყველაფერი – არაფრად?! მეგობრობა – მტრობად?! სიცოცხლე – სიკვდილად?! ბედნიერება – უბედურებად?! რატომ ავგვიკვნესეთ და ავგვითრეთ ჩვენი საქართველო?! ოჰ, ღმერთო,



კიდევ როდემდის, როდემდის უნდა იდინოს ქართველის ცრემლმა მდინარედ?.. არ იცნობთ ისევ თქვენ, დიდი ქვეყნის შვილებო, ქართველების ხასიათს?! არ იცით, რომ მანამდე ვიბრძოლებთ, დიდიც და პატარაც, ქალიც და კაციც, სანამ ჩვენს სამშობლოს დასჭირდება!.. ქართველებმა და აფხაზებმა ვერ შევძელით ხელიხელგადახვეულები გამოვსულიყავით და

(გაგრძელება მე-8 გვ.)

(დასაწყისი მე-8 გვ.)

გვეთქვა: „დამშვიდდი, სამშობლოვ, შენთან ვართ!“ რამდენი დედა დასტირის თავისი შვილის ჯერ კიდევ უპოვნელ, დაუმარხავ სხეულს! ბიჭები... ჩვენი ღირსებისა და თავისუფლებისათვის მებრძოლი ბიჭები, ქართული სულისა და სხეულის მატარებლები, რომლებიც იმის ღირსადაც კი არ ჩათვალეს, რომ მშობლებთან თოჯინასავით ნაწილ-ნაწილ დაშლილი კი არა, ერთიანი მიესვენებინათ! რამდენი ადამიანი მიდის თავისი ცოცხალი თუ მკვდარი შვილების, მეგობრების, ახლობლების, მშობლების, ძმებისა და დების, უბრალოდ, ნაცნობების მოსაძებნად. მიდიან ყველგან და ყველასთან და რამდენჯერ ბრუნდებიან უკან მარტო!..

მშვიდობით მოვალთ შენამდე... ტირის აფხაზეთი... გესმით მისი ლოც-

ვის ხმა? იცით, რას სთხოვს ღმერთს? ჩვენს დაბრუნებას... სთხოვს, რომ ქართველი და აფხაზი ძველებურად მეგობრული და მოსიყვარულე ნახოს... ოჰ, აფხაზეთო, ჩვენო მინავ... ჩვენო აუხდენელო ოცნებავ...

ვიცი, დრო გაივლის და ისევ გვექნება აფხაზეთის მონატრება, ისევ იცოცხლებს მისი სიყვარული ჩვენში, ისევ მოგვგვრის მისი მოგონება ცრემლს, არაერთხელ ვნახავთ სიზმარში და ცხადში მასზე ოცნებას გავაგრძელებთ. მხოლოდ მშვიდობით, მხოლოდ ერთად, ჩვენ დავიბრუნებთ აფხაზეთს...

რა გვტყვივა?! რაზე ვოცნებობთ ჩვენ, საკუთარი მიწიდან დევნილები?! მასზე, სანუკვარ აფხაზეთზე... ახლოს რომ გვყავს და შორიდან რომ ვუტყქერთ, მის ჰაერზე, ასე ძლიერ რომ გვჭირდება სუნთქვისათვის, და რომ ვკოცნით, რომ ვეფერებით!

მიყვარხარ, აფხაზეთო! გვიყვარხარ, აფხაზეთო! ტკივილამდე გვიყვარხარ, ჩვენო საქართველოვ, ჩვენო ძვირფასო და ძლიერ ტანჯულო მინავ! გვენატრები და შორიდან გეფერებით. შორიდან შემოგხვევთ ხელებს, შორიდან ჩაგიხუტებთ გულში და გეტყვი: „გვიყვარხარ, აფხაზეთო!“

ღვთისმშობელი შეგვეწვევა, უფალი დაგიფარავს, ლოცვითა და ვედრებით საქართველო გადარჩება, გათლიანდება! სულ ცოტაც, აფხაზეთო, სულ ცოტაც, ჩვენ მალე მოვალთ!

... და ისევ ის ბუნება და მზე, შორიდან რომ საუბრობენ:

- გამარჯობა, მზეო!
- გაგიმარჯოს, ბუნებავ!
- დილა მშვიდობისა, ჩემო საქართველო!

და აი ისევ ის ზღვა, ის ტალღები... იმ ზღვის ტალღები, ჩვენთვის რომ დელავს!..

საკლესიო კალენდარი

- 1 სექტემბერი (ოთხშ.) - მონ. ანდრია სტრატელატის და მისთანა 2593 მონამეთა ხსენება (284-305წ.);
- 2 სექტემბერი (ხუთშ.) - წინასწარმეტყველ სამუელის ხსენება (XI ს. ქრისტეს წინ);
- 3 სექტემბერი (პარ.) - ღირ. თადეოზ სტეფანწმინდელის (VI ს.) და მოციქულ თადეოზის, სამოცდაათთაგანის ხსენება (44წ.);
- 8 სექტემბერი (ოთხშ.) - მონ. ანდრიანეს და ნატალიას ხსენება (305-311წ.);
- 9 სექტემბერი (ხუთშ.) - ღირ. პიმენი დიდის ხსენება (დაახ. 450წ.);
- 10 სექტემბერი (პარ.) - წმ. მონამე დედოფალ შუშანიკის ხსენება (475წ.);
- 11 სექტემბერი (შაბ.) - თავისკვეთა პატიოსნისა დიდებულისა წინასწარმეტყველისა და ნათლისმცემელისა იოანესი. მარხვა!
- 13 სექტემბერი (ორშ.) - დადება პატიოსნისა სარტყელისა ყოვლადწმინდისა დედუფლისა ჩვენისა ღმრთისმშობელისა (395-408წ.);
- 14 სექტემბერი (სამშ.): - გვირგვინი წელიწადისა და დაწყება იწმინდისა;
- 17 სექტემბერი (პარ.) - ყოვლადწმიდა ღმრთისმშობლის კრება მთავარსავე სავანეში (864წ.);
- 18 სექტემბერი (შაბ.) - ღირ. სვიმეონის, გარეჯის წინამძღვრის, წინასწარმხედველისა და საკვირველთმოქმედის ხსენება;
- 19 სექტემბერი სულთმოფენობიდან მე-17 კვირა - წმ. იოანე ნათლისმცემლის მშობელთა, წინასწარმეტყველ ზაქარიას და მართალ ელისაბედის ხსენება (II ს.);
- 21 სექტემბერი (სამშ.): - ხსენება საკვირველებისა მთავარანგელოზ მიქაელის მიერ კოლასეს შინა (ხონა) ქმნილისა (IV ს.);
- 22 სექტემბერი (ოთხშ.) - შობა ყოვლადწმიდა ღმრთისმშობლისა;
- 24 სექტემბერი (პარ.) - წმ. აღმსარებელთა - იოანეს (მაისურაძე) და გიორგის (მხეიძე) ხსენება;
- 25 სექტემბერი (შაბ.) - დიდუბობა, გელათობა, შუამთობა, ბეთანიობა.
- 26 სექტემბერი, სულთმოფენობიდან მე-18 კვირა: - წმიდათა და მართალთა მშობელთა ღმრთისასთა იოანე და ანას ხსენება;
- 27 სექტემბერი (ორშ.) - კრწანისის ბრძოლაში თავდადებულთა - 300 არაბპეკლთა და სასულიერო და საერო პირთა ხსენება (1795წ.);
- 29 სექტემბერი (ოთხშ.) - წმ. მღვდელმთავრის გიორგი ჭყონდიდელის ხსენება;
- 1 ოქტომბერი (პარ.) - ენკანი, რომელ არს ხსენება ქრისტეს აღდგომის წმ. ტაძრის განახლება იერუსალიმში (335წ.);
- 21 ოქტომბერი (ორშ.) - დიდმონამე საქართველოს მნათობის, კახეთის დედოფლის ქეთევანის ხსენება (1624წ.);
- 22 ოქტომბერი (ორშ.) - ჯვართამაღლება. წმ. იოანე ოქროპირის მიცვალება (407წ.);
- 23 ოქტომბერი (ორშ.) - მონ. ორთა ძმათა - ისააკ და იოსებ ქართველთა, კარნუ ქალაქში წამებულთა ხსენება (808წ.);
- 24 ოქტომბერი (ორშ.) - წმ. მთავარმონამის ბიძინა ჩოლოყაშვილის და წმ. მონამეთა შალვასი და ელიზბარის, ქსნის ერისთავთა ხსენება (1661წ.).

ჩვენი მოძღვარი ინდიქტიონი

ძველი სტილით I სექტემბერს დედა ეკლესია, ეკლესიური ახალი წლის ანუ ინდიქტიონის დაწყებას აღნიშნავს და იკურთხება გვირგვინი წელიწადისა.

ინდიქტიონი — (ბერძნ. indiktios, ლათ. indictio — გამოცხადება, განცხადება) ქრისტიანულ ქვეყნებში წელთაღრიცხვის 15-წლიანი ციკლის სახელწოდებაა.

ქრონოლოგიურ და საპასეჟო გამოთვლებში ორი სახის ინდიქტიონი ფიგურირებს: დიდი და მცირე.

დიდი ინდიქტიონი — 532-წლიანი ციკლია და მას სააღდგომო (ანუ 532-წლიანი მოქცევის) ციკლსაც უწოდებენ, რომლის გასვლის შემდეგაც მეორდება მთვარის ფაზების, კვირის შვიდეულის დღეებისა და თვის რიცხვების განლაგება, ანუ (ხდება მათი თანხვედრა და შესაბამისად) აღდგომის დღესასწაული ხდება პერიოდული. დიდი ინდიქტიონი ოცდარვა 19-წლიან „მთვარის ციკლსა“ და ცხრამეტ 28-წლიან „მზის ციკლს“ მოიცავს (532=28X19).

მცირე ინდიქტიონი — 15-წლიანი ციკლია, რომელიც თუმცა კი უშუალოდ არ გამოიყენება საპასეჟო გამოთვლებში, მაგრამ მისი საშუალებით „დიდი მოქცევის“ სრული პერიოდი (15X532=7980 წელი) განისაზღვრება, რომელსაც უშუალო კავშირი აქვს ქვეყნის დასაბამიდან ქრისტიანობამდე განვლილი პერიოდის გამოთვლასთან.

აქვე დავძენთ, რომ ინდიქტი არის პასქალურ-კალენდარული მახასიათებელი, რომელიც ამა თუ იმ კალენდარული წლის რიგით ნომერს მიუთითებს 15-წლიან ციკლში („მცირე ინდიქტიონში“).

ქართული დასაბამისათვის (5604) ინდიქტის დასაადგენად საჭიროა ახალი წელთაღრიცხვის წელს მიეუმატოთ 9 და მიღებული ჯამი გავყოთ 15-ზე, ნაშთი ინდიქტის (ანუ წელთაღრიცხვის 15-წლიან ციკლში წლის რიგითი ნომრის) მაჩვენებელი იქნება. ასე მაგალითად: 2010 წლის ინდიქტის დასაადგენად ზემომითითებული არითმეტიკული მოქმედებები ჩავატაროთ — (2010+9):15=134+9. ამგვარად, ნაშთი არის 9, რაც გახლავთ კიდეც 2010 წლის ინდიქტის მაჩვენებელი.

მსგავსი მეთოდით გამოითვლება ინდიქტი ბიზანტიური (5508), ალექსანდრიული (5492), რომაული (4713) თუ რომელიმე სხვა დასაბამისათვის.

პაპიროლოგიის მონაცემებით ინდიქტიონებით წელთაღრიცხვა რომის პერიოდის ეგვიპტეში ჩამოყალიბებულია. რაც შეეხება ბიზანტიას, ქრისტეშობიდან 312 წელს წმიდა მეფემ კონსტანტინე დიდმა ოფიციალურად შემოიღო დროის ათვლა ინდიქტებით, რომელიც 15-წლიან პერიოდს მოიცავდა, სამ ხუთწლედ და იყოფოდა და იმპერიაში ხარკის ასაკრეფად იყო დაწესებული.

ინდიქტურ წელთაღრიცხვაში გარკვევისათვის აუცილებელია ასევე ინდიქტის დაწყების თარიღის გათვალისწინებაც. ასე მაგალითად:

— ბიზანტიაში 23 სექტემბერი, ხოლო IV საუკუნის შუა წლებიდან 1 სექტემბერი;

— რომში 1087 წლამდე — 1 სექტემბერი, შემდეგ კი 1 იანვარი (ან 25 დეკემბერი);

— ინგლისსა და გერმანიაში XIV საუკუნის ბოლომდე — 24 სექტემბერი;

— რუსეთში XVIII საუკუნემდე —1 სექტემბერი. XVIII საუკუნეში შეწყდა ინდიქტებით წელთაღრიცხვა და იგი მხოლოდ საეკლესიო აქტებში შემორჩა.

— რაც შეეხება საკითხს ჩვენში ამ თარიღის შემოღებისა, დიდი ქართველი მეცნიერის კორნელი კეკელიძის მოკვლევით: — „ქრისტიანობის შემოღების შემდეგ ჩვენში დარჩა ძველებური აგვისტოს წელიწადი, რომელმაც გამოიყენება ჰპოვალტიერატურულ, კერძოდ ჰაგიოგრაფიულ ძეგლებში. მაგრამ ამასთან ერთად ქრისტიანობამ ჩვენში გზა გაუკაფა მეორე სისტემის წელიწადს — სექტემბრისას ანუ **ინდიქტურს**, რომელიც წელიწადს პირველი სექტემბრიდან ითვლიდა. ამ წელიწადის არსებობა რომისა და საბერძნეთის სამყაროში მეოთხე საუკუნეში დამონებულია ამბროსი მედიოლანელის და ათანასი ალექსანდრიელის თხზულებებით, აგრეთვე მეხუთე საუკუნის ერთი კოპტური ქადაგებით. ამის შემდეგ ზოგი ანგარიშობდა ჩვენში ძველებურად, აგვისტოს



წელიწადის გამოყენებით, ზოგი კიდევ ახლებურად, სექტემბრის ანუ ინდიქტური წლის მიხედვით“.

ბიზანტიაში ინდიქტიონის დაწყება ახალი წლის დღეს — 1 სექტემბერს ემთხვეოდა. ამასთან, ძალზე მნიშვნელოვანია ის გარემოება, რომ ამ თარიღთან უშუალოდ არის დაკავშირებული საეკლესიო წლის დასაწყისი.

საეკლესიო წელიწადი არის პასქალია-კალენდრის წლიური ციკლის უძრავი (უცვლელი) წრე, რომლის მეშვეობითაც „უძრავ“ დღესასწაულთა მონაცვლეობა რეგულირდება და იგი პირობითად სამ პერიოდად იყოფა.

I — ყოვლადწმიდა ღვთისმშობლის შობიდან (უფრო ზუსტად, საეკლესიო ახალი წლიდან — ძვ. სტილით პირველი სექტემბრიდან) მაცხოვრის შობამდე, რომელიც ძველი აღთქმის პერიოდს, ანუ დასაბამიდან ძე ღვთისას განკაცებამდე დროის მონაკვეთს შეესაბამება;

II — მაცხოვრის შობიდან ამალღების დღესასწაულის (აღდგომიდან მე-40 დღე) წარგზავნამდე, რომელიც მაცხოვრის ამქვეყნიურ ცხოვრებას ეთანადება;

III — სულთმოფენობიდან (აღდგომიდან 50-ე დღე) ყოვლადწმიდა ღვთისმშობლის მიძინების დღესასწაულის წარგზავნამდე, ანუ მიწიერი, მებრძოლი ეკლესიის დაარსებიდან ვიდრე მეორედ მოსვლამდე.

(გაგრძელება მე-10 გვ.)

(დასაწყისი მე-9 გვ.)

როგორც ვხედავთ, საეკლესიო წელიწადი რომელიც (ძვ.სტ.) პირველი სექტემბრით იწყება და 31 აგვისტოს მსახურებით მთავრდება, ქვეყნიერების შექმნიდან მეორედ მოსვლამდე დროის მონაკვეთს ეთანადება.

მეტი სიცხადისათვის საეკლესიო ახალი წლის დაწყების თარიღს შევეხებით:

— ზოგიერთი ცნობით, პირველი სექტემბრით საეკლესიო ახალი წლის დაწყება I მსოფლიო კრების (ნიკეა, 325წ.) წმიდა მამათა გადამწყვეტილებას მიეწერება.

— საეკლესიო ახალ წლად აღნიშნული თარიღის დადგენის მიზეზად იმასაც მოიხაზრებენ, რომ ძვ. სტილით 1 სექტემბერს, შაბათ დღეს, ნაზარეთში მყოფი მაცხოვარი სინაგოგაში შევიდა და წაიკითხა ესაია წინასწარმეტყველის სიტყვები: „სული უფლისაჲ ჩემ ზედა, რომლისათვის მცხო მე... ქადაგებად წელიწადი უფლისა შეწყნარებული“ (ლკ. 4.18-19). ამ საკითხს სავსებით ეხმიანება (ძვ. სტ.) პირველი სექტემბრის განგების ინდიქტიონის მე-2 დასდებელი: ... „ოდესმე შენვე ნაზარეთს შინა, სანინასწარმეტყველო წიგნი ხორცშესხმულმან, ქრისტე ღმერთო, მიიღე რა აღმოკითხვად, განაღე და ასწავე ერსა, შენ ზედა აღსრულებად წერილი იგი.“

— აღსანიშნავია ის გარემოებაც, რომ 312 წლის 1 სექტემბერს კონსტანტინე დიდმა გამანადგურებელი დამარცხება აგემა მაქსენტის, რის შემდეგაც ქრისტიანებს სარწმუნოების აღსარების სრული თავისუფლება მიეცათ. ამ მოვლენის აღსანიშნავად ვარაუდობენ, რომ ბერძნულ ეკლესიაში საეკლესიო წელიწადის ათვლა 1 სექტემბერს იწყება და იკურთხება „გვირგვინი წელიწადისა“.

და მაინც, თეოლოგიური თვალსაზრისით ამომწურავი პასუხი უნდა გაეცეს უმთავრეს კითხვას, თუ რატომაა დედა ეკლესიაში დადგენილი საეკლესიო ახალი წლის (ძვ. სტ.) პირველი სექტემბრით დაწყება?!

მეტი სიცხადისათვის XIV საუკუნეში მოღვაწე წმ. გრიგოლ პალამას სწავლებას მოვუხმობთ, რომელიც საუბრობს რა ყოვლადწმიდა ღვთისმშობლის შობის დღესასწაულის შესახებ, ასე გვმოდგვრავს: ... „ეხლა შემოდგომაა, და უპირატესი ადგილი ამ თვეს (სექტემბერს) გა-

ნეკუთვნება, რომელიც ჩვენთვის პირველი თვე და წლის დასაწყისია, მიჯნა სადაც ჩვენი გადარჩენის საქმემ დაიღო სათავე... ესაა პირველი წმიდა დღესასწაული, რასაც ჩვენი განახლება უკავშირდება... რადგან დღეს განგვეხსნა (იშვა — დკ. ბ.გ.) ახალი სამყარო და მშვენიერი სამოთხე (ღვთის განცხადების წიაღი — დკ. ბ.გ.), რომელშიც განკაცდა, და რომლისგანაც იშვა ახალი ადამი“...

ამგვარად, ლიტურგიკული ღვთისმეტყველების თვალსაზრისით, შემოდგომა და მისი პირველი თვე სექტემბერი, რომელიც არის კიდევ საეკლესიო წლის დასაწყისი, იმავდროულად კავშირშია **ჩვენი ხსნის დასაწყისთან** — საღმრთო აღმშენებლობის გზასთან.

ამდენად, ცხადი ხდება, თუ რატომ დაადგინა დედა ეკლესიამ, საეკლესიო ახალი წლის (ძვ. სტ.) პირველ სექტემბერს აღნიშვნა: — ყოვლადწმიდა ღვთისმშობლის შობა გახლდათ წინკარი, კარიბჭე, იესო ქრისტეს ხორციელი მოსვლისა. იგი მოასწავებდა ცოდვისა და სიკვდილისაგან დახსნის ჟამის მოახლოებას, რის შესახებაც სწავლება უაღრესად ნათლადაა წარმოჩენილი საეკლესიო ჰიმნოგრაფიაში. ასე მაგალითად, ყოვლადწმიდა ღვთისმშობლის შობის დღესასწაულის განგებაში ვკითხულობთ (5):

— „შობამან შენმან ღვთისმშობლო ქალწულო, სიხარული აუწყა ყოველსა სოფელსა, რამეთუ შენგან აღმოგვიბრწყინდა მზე სიმართლისა ქრისტე ღმერთი ჩვენი, დაჰხსნა წყევა და მოგუმაღლა კურთხევა, და განაქარუა სიკუდილი და მოგუანიჭა ჩვენ ცხოვრება საუკუნო“ (დღესასწაულის ტროპარი, ხმა 4);

— „დღეს აწინასაგან... ღვთისმშობელი აღმოცენდა, ცხოვრებად კაცთა, რომლისა მიერ ყოველთა ცხოვრების მომცემელი, იშვების ზესთა გონებისა...“ (მც. მწუხრი. უფალო ღალადჰყავსა ზედა მე-2 დასდებელი);

—... „ესერა სასძლო მეუფისა, და წიგნი სიტყვისა ცხოვრებისა, მუცლისაგან უნაყოფოსა გამობრწყინდა, და ბჭე აღმოსავალით იშუების დღეს, მომლოდებელი შემავალსა მღუდელსა რომელსა შევიდა განულებელად“... (დიდი მწუხრი, უფალო ღალადჰყავსა ზედა მე-2 დასდებელი);

— „დღეს ბერნისა ბჭენი განიხმიან და ქალწულებისა საღმრთო ბჭე

იშუების, დღეს იწყო დიდებულად აღყვავებად მადლმან, და ღვთისმშობელსა სოფელსა აღმოუბრწყინებს, რომლისაგან ქვეყანისანი ზეცისათა შეართნეს საკვირუელად“... (დიდი მწუხრი, უფალო ღალადჰყავსა ზედა მე-4 დასდებელი);

— „დღეს უნაყოფო აწინა ჰშობს მშობელსა ღვთისასა,... რომლისა მიერ ხორცილი შეისხა მაცხოვარმან, აღსრულებად საღმრთოსა განგებისასა“... (დიდი მწუხრი, უფალო ღალად-ვჰყავსა ზედა ბოლო დასდებელი);

— „დასაბამი ცხოვრებისა ჩვენიცა დღეს იქმნა კრებულნო მორწმუნეთანო“... (დიდი მწუხრი, ლიტანიასა ზედა პირველი დასდებელი);

— „გვაუწყე ჩუენ დავით, რასათვის გეფუცა შენ ღმერთი, ხოლო იგი ღალადებს, რასათვის იგი მეფუცა აღმისრულა, რამეთუ აჰა ესერა მუცლისა ჩემისაგან მომცა ქალწული, რომლისაგან ახალი ადამ ქრისტე დამბადებელი იშვების ხორციელად“... (დიდი ცისკარი, წარდგომა შემდგომად პირველი ფსალმუნებისა);

— „დღეს ხიდი ცხოვრებისა იშუების რომლისა მიერ კაცთა ჰპოვეს აღმოწოდებაი ჯოჯოხეთით“... (საცისკრო კანონთა I გალობის, I კანონის ბოლო ტროპარი).


და მრავალი სხვა...

ყოველივე ზემოთქმულიდან გამომდინარე, ნათელია, რომ საეკლესიო წლის დასაწყისი — ძვ. სტილით 1 სექტემბერი, ანუ გვირგვინი წელიწადისა და დაწყება ინდიქტისა, რომელიც 16 საუკუნეა უცვლელია, იმაზეც მეტყველებს, რომ მას სულიერი საზრისი გააჩნია და მარადიულ ღირებულებებზეა ორიენტირებული — ყოველი ადამიანის ხსნასა და ცათა სასუფეველის დამკვიდრებაზე, განსხვავებით სამოქალაქო ახალი წლისა, რომელსაც მინიერი, ამქვეყნიური საზრისი აქვს.

ამგვარად, თითოეული მორწმუნე აცნობიერებს რა ამ დღის მნიშვნელობას, ჯეროვნად უნდა მოემზადოს მის შესახვედრად, რისთვისაც ლოცვა, მარხვა, წმიდა წერილის კითხვა, აღსარება, ზიარება და ღვთივსათნო საქმეთა აღსრულებაა საჭირო.

თბილისის სასულიერო აკადემიისა და სემინარიის ლიტურგიკის ლექტორი დეკანოზი ბიძინა (ბუნია)

**ლიჩხეული
მამულიშვილი**





ჩვენი აცხადებთ

სარედაქციო კოლეგია: სვეტლანა ქეცბა, დეკანოზი ბიძინა (გუნია),
ლია სეხნიაშვილი, ალექსანდრე ფარფალია, ირინა ქეცბა
პასუხისმგებელი რედაქტორი ციციანო ჯულუხიძე

სსიპ „სულიერებისა და კულტურის ცენტრი“

მისამართი: თბილისი, რუსთაველის გამზ. №37, IV სართ. ტელ.: 93-17-20, 895-41-21-70. ტირაჟი: 500 ცალი